

## b) Boky vakivakim-piaínana.

Famaritana (hevitra fonosiny)	Fizarana	Lohahevitra (tara-kevitra)	Mpandray anjara
<ul style="list-style-type: none"> <li>▪ Potipotika Sombintsombiny ↔ tantara maneho fa ny potipoti-piaínana ihany no an'ny mahantra</li> <li>▪ Fitetezana ↔ tantara maneho fitetezana onjam-piaínana</li> </ul>	I Tak 3 – 17: Tsikalakalam- pihavanana  II Tak 18 – 31: Tsikalakalam-pitia  III Tak 32 – 58: Tsikalakalam-bola  IV Tak 59 – 75: Tsikalakan'olona	-Fahantrana -Adim-piaínana -Fihavanana -Fitavana -Fahamarianana -Vintana sy ny anjara ny harena	-Tsiry -Voahangy -Vony -Meja -Mino -Rakotovao -Fano -Ramily -Miaro -Aziz -Houssen -Mpantsaka -Mpiasan'ny seranam-piaramanidina -Mpanao famotorana -Mpitsara

**III. ANDIAM-PANONTANJANA MIKASIKA NY TANTARAN'NY LITERATIORA  
MALAGASY SY NY MAHAKANTO**

- 1- Inona no mahasamihafa ny literatiora am-bava amin'ny literatiora an-tsoratra?  
(Valiny telo)
- 2- Inona no literatiora an-tsoratra malagasy voalohany indrindra?
- 3- Iza no gazety malagasy voalohany indrindra ary oviana ny taona nivoahany?
- 4- Lazao izay raiben'ny tantara foronina malagasy.
- 5- Inona no atao hoe "Kaonseritra masina"?
- 6- Milazà zava-nisy telo nanamarika ny literatiora tao anatin'ny vanim-potoanan'ny literatiora "kristiana".
- 7- Milazà zava-nisy telo teo amin'ny fiaraha-monina tao anatin'ny vanim-potoana "kristiana".
- 8- Manomeza mpanoratra anglisy dimy nanamarika io vanim-potoana io.
- 9- Iza no tantara tsangana malagasy voalohany indrindra, iza no nanoratra azy, ary vanim-potoana inona teo amin'ny tantaran'ny literatiora no nisehoany?
- 10- Manao ahoana ny endriky ny tantara tsangana malagasy?
- 11- Farito ny atao hoe "libres pensées" ary lazao ny foto-keviny.
- 12- Lazao izay tara-kevitra nalaza tao amin'ny literatiora "fakan-tahaka"
- 13- Nahoana no nangina na moana ny literatiora malagasy teo anelanelan'ny 1915 – 1922?
- 14- Inona no fiantso ny literatiora "fiforetana anaty" ary inona no antony?

- 15- Lazao izay tara-kevitra nalaza tao anatin'ny vanim-potoanan'ny literatiora "fiforetana anaty".
- 16- Manomeza mpanoratra malaza tao anatin'io vanim-potoana io.
- 17- Inona no tanjona kendrena tamin'ny foto-kevitra literera "mitady ny very"
- 18- Inona no very ka notadiavina tao?
- 19- Iza avy ireo telo lahy nitarika ny foto-kevitra "mitady ny very"?
- 20- Milazà mpanoratra zandriny dimy nivoaka avy tao amin'ny vanim-potoana "mitady ny very"
- 21- Manao ahoana ny endriky ny tononkalo amin'izao vanim-potoana "ankehitriny" izao?
- 22- Manomeza faribolana na fikambanana mpanoratra misy "ankehitriny".
- 23- Milazà zava-misy telo eo amin'ny zava-kanto manamarika ny fiovan'ny literatiora "ankehitriny"
- 24- Manomeza gazety mikasika literatiora ranofotsiny amin'izao fotoana izao.
- 25- Milazà mpanoratra malagasy nanoratra amin'ny teny vahiny.
- 26- Lazao izay mahakanto ity ampanhan-dahatsoratra ity:  
 a) "Ny tompon'ny fahefana eto an-tany dia ny firenena manan-karena, ny tambatr'orinasa manan-karena, ny fianakaviana manan-karena, ny olona manan-karena. Ary io fahefany io no ajorony ho Rariny. Ny "rariny" kosa indray no ifotoran'ny "mariny". Ary ny "mariny" no ataony hoe:Marina. Ny ankoatra izay, tsy izy! Na raha "izy", tsy misy lanjany akory!"

I.P.ANDRIAMANGATIANA, Vakivakim-piaianana

b) TONONKIRA

Aza anontaniana izay anton'izao  
 Fanginana lalina ary feno tomany  
 Aza anontaniana satria fantatralo  
 Fa fahatsiarovana no anton'izany

J.J. RABEARIKELO, Ny mpandinika, 03 Septambra 1926.